

Սրանից 59 տարի առաջ երբ James Cholmers ընչա-  
նադրոշմը հնարեց, այն ժամանակ ամբողջ աշխարհը դար-  
մացման նշաններ ցոյց տուեց: (Դուժմդեսում): Սուրհանդա-  
կային-հաղորդակցութեան այս ձևը առաջին անգամ մուտք  
գործեց Անգլիայում 1840 թ. մայիսի 6-ին. 1849—50 թ.  
Գերմանիայում՝ Բայրէնի և Պրուսիայի թագաւորութեան մէջ  
և նոյն թուի յունիսի 1-ին Աւստրիայում: Իսկ այսօր դեռ  
60 տարի չ'անցած աշխարհիս բոլոր մեծ ու փոքր քաղա-  
քակրթեալ ազգերի և կառավարութիւնների մէջ մուտք է  
գործել որպէս մի կանոնաւորեալ և հեշտ միջոց հաղորդակ-  
ցութեան: Իսկ նշանադրօշմների գիւտից յետոյ դեռ քսան  
տարի ուղիղ չ'անցած՝ վաթսուհակն թուերի սկզբներում  
Գերմանիայում, Անգլիայում և Ֆրանսիայում մեծ ցանկու-  
թիւն է զարթուում զանազան ազգութեանց մէջ գործա-  
ծուած նշանադրօշմները հաւաքել: Այսօր արդէն այդ նամակա-  
դրօշմները մի հարուստ գրականութիւն ունին. զանազան  
ամսաթերթեր, օրաթերթեր զբաղուած են այդ հարցով և  
հարկւր հազարաւոր երկու սեռի անհատներ հաւաքում են  
դոցա և կան յատկապէս շատ մարդիկ, որոնք նշանադրօշմ-  
ների վաճառականութեամբ են զբաղուած: Նշանադրօշմների  
(մարկաների) հաւաքումը բացի զուտ վաճառականական, սիրոյ,  
ցանկութեան տեսակէտից և ունի զուտ մանկավարժական-  
կրթական նշանակութիւն: Ջանազան ձևերի, գոյների և գե-  
ղեցկութեան կողմից մարկաները մարդկանց մէջ ճաշակ են  
զարթեցնում և ցոյց տալիս մի ազգի, երկրի ժողովրդի գե-  
ղարուեստական որչափ զարգացած լինելը: Բացի գեղա-  
րուեստական նշանակութիւնից նորանցով մարդս գաղափար է  
կազմում մի ազգի պատմութեան, գրականութեան և աշ-  
խարհագրութեան վերայ: Նոքա տանում են մարդուս միտքն  
ու հոգին ձգում հեռու և մօտիկ երկիրների ժողովրդոց  
վերայ և մեր ուշադրութիւնը դարձնում մի երկրի և ժողո-  
վրդի կազմակերպութեան վերայ, նոցա գործածական դրամ-  
ների և նշանադրօշմների տեսակի, նոցա գրականութեան,  
թուանշանների, նոցա անհրաժեշտ հաղորդակցութեան տե-

ղերի, նոցա վաճառականական գաղութների և այդտեղ ապրող բազմաթիւ ժողովրդոց նիստ ու կացի վերայ: Նաժարադրօշմների հաւաքումը կարելի է հաստատօրէն ասել զարգացման մի կանոնաւոր ճանապարհ է, որով հաւաքողը ընդարձակում է իր մաքի և հոգու պաշարը, մաքով հեռու գնում և տեսնում մի ժողովրդի կեանքը իր ամբողջ էութեամբ: Ահա՛ այդ պատճառով՝ զանազան կրթական հաստատութեանց մէջ դուրս կ'տեսնէք նշանադրօշմների կատարեալ հաւաքածուներ, որոնք իրանց կանոնաւորութեամբ, գեղեցկութեամբ հիացմունք են պատճառում հանդիսատեսներին:

Ա. ՍԱՐԿ.

### ՍՏԱՅՈՒԱԾ ԴՐՔԵՐ

Ենովք Թէյեան. — քերական ընթերցարան. Կ. Պօլիս. Մատթ. տպ. 1898.

Հաշուէկէիւ 1898 թ. օգ. 20—նոյ. 20 Եկատերինոգար բաղաբում ժողովուած և աղբատներին բաժանուած գումարներին:

Ս. Զէլինսկի. Հաւ. Թիֆլիս. 1898.

— Материалы по народной медицинѣ у Армянъ нѣкоторыхъ мѣстностей Закавказья. Тифлисъ. 1898.

Ատրպետ. Ժառանգներ. Ն. Նախիջևան. 1899.

Յար. Թումանեան. Հանաք ու դանակ. Թիֆլիզ. 1899.

Կ. Կոստանեան. Մկրտիչ Նաղաշը և իւր տաղերը. Վաղարշապատ. 1898.

Ալէքս. Եատուրեան. Բանաստեղծութիւններ. Բ. հատոր. Մոսկուա. 1898.

Հաշիւ Կովկասի Հ. բարեգ. ընկ. Ախալցեայի ճիւղի 1898. Ախալցեա. 1898.

Մատթէոս Ուռհայեցի. Վաղարշապատ 1899.

Յ. Բ. Ճուղուրեանց. Աղա սուրբ Սարգիսը. Թիֆլիս 1899.

Բանգարան Հայկ. հին և նոր դպրութեանց Բ. անկանոն գիրք նոր կտակարանաց. Վենետիկ 1898.

